



Minggu, 7 Juli 2024

Ogen: Matius 18:21-22



PITU KALI PITU PULUH KALI



Manusia nggeluh selaku mahluk sosial tentuna erkawiten ras kalak sideban. Subuk i bas jabu, masyarakat, pertemanan ras sidebanna. Lit nina kuan-kuan kalak Karo 'naruh manuk bas sagak pe sititiken' ertina bersenggolen apaika manusia si mbelin kal pergerakenna (mobilitasna). Erbage-bage hubungenta ras kalak sideban subuk ngerana bage pe perbahanen-perbahanenta si banci mpeturah nembek ate, sigeluten ras sidebanna. Kecibal si bage rupana banci ndekah pengkenaina seh pe mpeturah 'akar pahit' di kune la kita ngasup ndungisa i bas pusuhta alu ngalemi kalak sideban. I bas renungenta wari enda, Jesus erbahan perumpaman kerna ngalemi kenca penungkunen Petrus kerna piga kali nge ia arus ngalemi salah kalak sideban man bana. Jabap Jesus la bias pitu kali tapi pitu kali pitupuluh kali, ertina la erngadi-ngadi, la erbatas piga kali arus ngalemi salah kalak. Tradisi kuno paksa e ijadiken Jesus penjemba guna ngalemi kalak sideban, angka pitu angka sempurna. Erpalasken enda me kita iajuk, ipengasup gelah lanai erkira-kira kerna kesalahen kalak rikut piga kali arus sialemi.

Wari memaafken sedunia pe lit ibahan tujunna salah sada e me njaga kesehaten mental manusia. Kepeken geluh erlem-elem erbahan mentalta la sehat. Tingkat stres tinggi, seh depresi, cemas janah kurang pertunduhta. Engkai maka tanggal 7 Juli, enda pertengahan tahun, enda jadi paksa si mehuli guna ngukuri ras nuluh ku pudi, ngenehen kai si enggo si ibahan kita si mehuli entah si erbahan ukur kalak ceda. E maka si ukuri ka si mehuli guna nerusken tahun enda. Pemena enda ilakoken i bas tahun 1994 dengen simbidangisa e me Christian Embassy of Christ's Ambassador (CECA). Enda sada organisasi si fokus ku bas pemberdayaan individu i bas ngembangken keterampilan emosional ras kesadaran diri. Sipebelinlah pusuh si nggit ngalemi, alu la erbatas.